

Na osnovu člana 4.2 Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11) i člana 26. Metodologije za izradu tarifa za usluge prijenosa električne energije, nezavisnog operatora sistema i pomoćne usluge – Prečišćeni tekst (“Službeni glasnik BiH”, br. 93/11 i 61/14), na sjednici Državne regulatorne komisije za električnu energiju, održanoj 28. jula 2016. godine, donijeta je

ODLUKA

O OBEZBJEĐENJU NEDOSTAJUĆIH KOLIČINA POMOĆNIH USLUGA ZA AUGUST 2016. GODINE

I

Ovom odlukom obezbjeđuju se nedostajuće količine pomoćnih usluga za august 2016. godine, koje će pružiti vlasnici licence/dozvole, u skladu sa obavezom iz uvjeta za obavljanje djelatnosti proizvodnje koje je utvrdio nadležni entitetski regulator i drugi subjekti čiji su tehnički objekti zavedeni u Registar pružalaca pomoćnih usluga.

II

Uvažavajući u osnovi prijedlog Nezavisnog operatora sistema u Bosni i Hercegovini sadržan u pismu broj 980-1/16 od 21. jula 2016. godine, nedostajući dio kapaciteta rezerve regulacije bit će obezbijeđen kako slijedi:

a) kapacitet rezerve sekundarne regulacije

- Elektroprivreda Hrvatske zajednice Herceg Bosne, Mostar – 9 MW u vršnom i 9 MW u nevršnom periodu,
- Elektroprivreda Republike Srpske, Trebinje – 5 MW u vršnom periodu i 10 MW u nevršnom periodu,
- Elektroprivreda Bosne i Hercegovine, Sarajevo – 12 MW u nevršnom periodu,

b) kapacitet rezerve tercijarne regulacije

- Elektroprivreda Hrvatske zajednice Herceg Bosne, Mostar – 26 MW,
- Elektroprivreda Republike Srpske, Trebinje – 6 MW,
- Elektroprivreda Bosne i Hercegovine, Sarajevo – 27 MW,
- Aluminij, Mostar – 20 MW.

III

Cijene po kojima se pružaju usluge iz tačke II. ove odluke jednake su prosječnim ponderiranim cijenama prihvaćenih ponuda u postupku javne nabavke tih usluga, i iznose:

- kapacitet rezerve sekundarne regulacije – 30,00 KM/kW/mjesec, i to u vršnom periodu 22,50 KM/kW/mjesec, a u nevršnom periodu 7,50 KM/kW/mjesec,
- kapacitet rezerve tercijarne regulacije – 6,46 KM/kW/mjesec.

IV

Ova odluka stupa na snagu danom donošenja i objavit će se u “Službenom glasniku BiH”, službenim glasilima entiteta i Brčko Distrikta BiH.

Broj: 04-28-5-026-49/16
28. juli 2016. godine
Tuzla

Predsjedavajući Komisije
Suad Zeljković